

GrønlandsBANKEN-ip pinerlunniartarneq pingitsoortikkumallugu politikkia

Pinerlunneq GrønlandsBANKEN-ip pinerlunniartarnermik akiuinierluni politikiani pinerlunneq isumaqartinneqarpoq imminut iluaquserniarluni tatigineqarluni oqartussaaffigisamik atornerluinertut.

Taamatut isumaliineq pinerlunnermut inatsimmi aammalu nunarsuaq tamakkerlugu pinerlunniarnermik akiuiniarnermi isumaqatigiissutini tunngaviliussaasunut naapertuuppoq aammalu taaguummi matuneqarput pinerlunnermi tiguisuuneq aamma pilersitsisuuneq aammalu eqqarsaatigalugit toqqaannartumik toqqaannanngitsumilluunniit pinerlunniarnermik imaqaartumik pissusilersuutit allat.

Pinerluutitut ilisarnarnerpaasut tassaapput akiliilluni sunniinerit, salluliornerit, tillinnerit imal. angutaaserfiginninnerit. Pinerlunnerit tamatigorluinnaq aningaasanik tunngaveqarneq ajorput aammali tassaasinnaasarlutik sullissinerit immikkut pineqarnikkut iluaqusiinarneq siunertaralugu, immikkut sernigineqarnissaq anguniarlugu, ilassutaasumik ajunngisaarniarluni imal. sukkanerusumik isumagisassamik suliarinninnissaq angujumallugu iliornerusut.

GrønlandsBANKEN-imi pinerluttarneq akiorniarlugu politikimi pinerluutit arfineq-marluk pinerlunnertut tunngavineqarput. Taakkulu ataani saqqummiunneqartut akornanni sutigulluunniit eqaallisaartumik isiginnittoqanngilaq:

1. **Soqutigisanut akuliussuineq** pingortarpoq pisuni, inuup immineq soqutigisaqarfigisaanni, sunniisoqarsinnaaffiusuni imal. pisortatigoortumik pisussaaffiusut iluini attuumassuteqanngitsumik isumaginninnissaagaluartunik sunniinertut. Nammineq soqutigisaqarfiit tassaapput imminut ilaqutaasunut, ikinngutitut suliniaqatigiiffinnuunniit iluaqusiinerusinnaasut inuussutissarsiornnut politikilerinernulluunniit arlaatigut attuumassuserneqarsinnaasut.
2. **(Akiliilluni) sunniinarneq** tassaavoq neqerooruteqarneq tunniussilluni (toqqaannartumik akiliilluni sunniineq), tigusaqarneq, kaammattuineq imal. arlaatigut nalilinnik akuersineq (toqqaannanngikkaluartumik sunneqataaneq) anguniarlugu sulisuusup iliuusissaasa inatsisit malillugit suliassarisaasa aqullugit sangutinnissaat. Sunniinarneq Kalaallit Nunaanni Danmark-imilu pineqatissiisutaasinnaasumik unioqquitsinertut isigineqarput.

3. **Angutaaserneq** pisarpoq sulisuusoq/atorfilik piumasaqaraangat imaluunniit allatut aningaasanik nalilinnik qunusaarinikkut pissarsigaangat.
Naqsimannissutit tassaasinnaapput timikkut pisinnaasunik qunusaarinerit, pigisanik aseruisinnaanermik qunusaarinerit, paquminarsinnaasunik eqqunngikkaluartumilluunniit nalunaarutiginninnissamik qunusaarinerit. Taamatut iliornerit nunatsinni Danmark-imilu inatsisaatsuliornerupput.
4. **Salluliorneq** tassaavoq putusaariniarluni iliorneq iluaqusernissaq siunertaralugu (aningaasatigut allatigulluunniit), pisussaaffigisanik sumiginnaaneq imal. allap ajunaaruteqarneranik pilersitsineq. Tassani makku naliliinerni tunngaviusinnaapput: piaaraluni ilumuunngitsuliorneq, putusaarineq, salluliorneq imal. eqqortuunngitsumik tunngaveqartumik patsisilersuineq. Taaneqartutut iliornerit Kalaallit Nunaanni Danmark-imilu inatsimmik unioqquitsinerupput.
5. **Tillinneq** tassaavoq eqqunngitsuliorluni nalilinnik aningaasanilluunniit inissisimaneq aqqutigalugu oqartussaasutut tatiginnillunilu nakkutigisanik/akisussaaffigisanik tigusilluni pissarsineq. Tillinneq Kalaallit Nunaanni Danmark-imilu inatsisaatsuliorneruvoq pineqaatississutaasin-naasoq.
6. **Tunissutisinermi** pinerlunnertut ataani ipput tunissuitt assingusulluunniit allat aningasartaqartut neqeroorutigineqaratut, tunniunneqartut, qinnuteqarnikkut pissarsiaasut imal. pissarsiarineqartut pisumi naatsorsuutigineqaraangat tunissuteqarfigineqarnermut qujaniarluni akiniaalluni sullissisoqarnissaq. Tunissuteqarneq inussiarnissaarnerluunniit imminneq pinerluttuliortiarnermut takussutissiisuusinnaapput, taaneqartut pinerluttuliortitsiniarnermut atorneqarsinnaammata. Tunissutit aningaasaasinnaapput imal. allatut naliliusinnaallutik tamakkulu politikerinut ikiuiniarnerut/ajungitsuliornernullu nakkartitsinikkut tunniunneqarsinnaasarlutik. Inussiarnisaarnerit iluani issinnaasarput, nerisitsinerit, akunnittarfinni unnuisitsinerit, timmisartortinneqarnerit, aliikkusersuinerlut qaaqqusaanerit imal. timersornerlut qaaqqusaanerit.
7. **Eqqarlimaarnerit** tassaapput ilaqtanik ikinngutinillu salliutitsinerit nalilersuinerit pineqartut piukkunnassusii tunngaviginagit. Ilaqtat ikinngutinillu iluaquusiinermik pineqartarput qanittuunerat pequtigalugu tunulliullugu piginnaanernik piukkunnassutsinillu assigiinngisitsinani nalilersuisussaaneq.

Nalunaarutiginnittussaaneq

Sulisorisaq kinaluunniit pisussaaffeqarpoq pissusilersornernik pasinartunik alaatsinaanninnissamut maleruaqqusanillu pineqartunut tunngasunik ataqqinninnissamut. Sulisorisat kikkulluunniit pisortaminnut nalunaaruteqartussaataapput imal. aningaaserivimmi tatigineqarluni nalunaarutiginnittarfissatut pisussaaffiligaasumut, uppersaataissaqarunik imal. pasitsaassaqarunik maleruagassanik unioqqutitsisoqartoq.

Pinerlunniartarnernik pinaveersaaniarluni suliniutinik ilisimaarinninnissaq

GrønlandsBANKEN-ip pinerlunniartarneq pinngotsoortikkumallugu politikkaa qaqugukkulluunniit takuneqarsinnaavoq iserfigalugu aningaaseriviup nittartagaa www.banken.gl. Aamma aningaaseriviup ukiumut nalunaarutaani ilaassaaq suliffeqarfiup inuiaqatigiinni akisussaataanerata sammeneqarnerata iluani.

Suliffeqarfiup iluani aningaaseriviup isumannaassavaa sulisorisat tamarmik pinerlunniartarneq pinngitsoortinniarlugu politikkimik ilisimatinneqarnissaat, suliffeqarfiup iluani ilitsersuilluni politikkeqarnissarlu (soorlu tunissuteqartarnermut atatillugu) siunnersuisoqarnissaq kiisalu pineqartunut attuumassuteqartunik sungiusaasarnissaq ilinniartitsisarnissarlu.

Una pinerlunniartarneq pinngitsoortikkumallugu politikiliaq pisortanit akuerineqarpoq

ulloq 2. april 2014